

Na osnovu člana 67. stav (3) tačka d) i člana 68. stav (3) Zakona o visokom obrazovanju Tuzlanskog kantona („Sl. novine TK“ broj: 7/16, 10/16, 5/17 i 15/17), člana 130. Statuta JU Univerzitet u Tuzli i Odluke o raspisivanju konkursa, broj: 02/3-456/19.8. od 29. 01. 2019. godine, Naučno-nastavno vijeća Ekonomskog fakulteta Univerziteta u Tuzli, raspisuje se

K O N K U R S

za izbor i imenovanje dekana Ekonomskog fakulteta Univerziteta u Tuzli

I

Raspisuje se Konkurs za izbor i imenovanje dekana Ekonomskog fakulteta Univerziteta u Tuzli.

II

Za dekana Fakulteta može biti izabran kandidat koji ispunjava sljedeće **opće i posebne uslove**.

Opći uslovi su:

- a) da je državljanin BiH,
- b) da je zdravstveno sposoban za obavljanje poslova dekana,
- c) da pravnosnažnom odlukom suda nije osuđen za krivično djelo ili privredni prijestup, koji predstavljaju smetnju za imenovanje na dužnost dekana,
- d) da mu pravnosnažnom odlukom suda nije izrečena mjera zabrane obavljanja poslova/dužnosti dekana,
- e) da se na njega ne odnosi član IX. 1., Ustava BiH.

Posebni uslovi su:

- a) da je izabran u naučno-nastavno zvanje redovnog ili vanrednog profesora na Univerzitetu u Tuzli,
- b) da je u radnom odnosu na Univerzitetu u Tuzli sa punim radnim vremenom, s tim da najmanje polovinu nastavne norme mora biti angažiran na Ekonomskom fakultetu,
- c) da poznaje (aktivno govori) najmanje jedan svjetski jezik,
- d) da nema funkciju u izvršnim organima političke partije ili organizacije koja je povezana sa političkom partijom i
- e) da nema privatni finansijski interes na Univerzitetu u Tuzli.

Dekan fakulteta imenuje se na mandatni period od 4 (četiri) godine.

Kandidat koji u toku mandata stiže uslove za penziju ne može biti izabran za dekana fakulteta.

III

Uz **prijavu** na Konkurs kandidati su dužni priložiti, u **originalu ili ovjerenj fotografiji**, dokaze o ispunjavanju općih i posebnih uslova i to:

1. biografiju,
2. uvjerenje o državljanstvu BiH, ne starije od 6 mjeseci, u skladu sa tačkom a) općih uslova,
3. izjavu da pravnosnažnom odlukom suda nije osuđen za krivično djelo ili privredni prijestup koji predstavljaju smetnju za imenovanje na dužnost dekana, ovjerenu kod nadležnog organa ili notara, u skladu sa tačkom c) općih uslova,
4. izjavu da im pravnosnažnom odlukom suda nije izrečena mjera zabrane obavljanja poslova/dužnosti dekana, ovjerenu od strane nadležnog organa ili notara, u skladu sa tačkom d) općih uslova,
5. izjavu da se na njih ne odnosi član IX.1. Ustava BiH, ovjerenu kod nadležnog općinskog organa ili notara, u skladu sa tačkom e) općih uslova,
6. odluku o izboru u naučno-nastavno zvanje na Univerzitetu, u skladu sa tačkom a) posebnih uslova,

7. uvjerenje da je u radnom odnosu na Univerzitetu u Tuzli sa punim radnim vremenom i da je najmanje polovinu nastavne norme angažiran na Ekonomskom fakultetu, u skladu sa tačkom b) posebnih uslova,

8. dokaz da aktivno govori najmanje jedan svjetski jezik, u skladu sa tačkom c) posebnih uslova (certifikat verifikovane škole stranih jezika/uvjerenje o položenom stranom jeziku na visokoškolskoj ustanovi),

9. izjavu da nema funkciju u izvršnim organima političke partije ili organizacije povezane sa političkom partijom, ovjerenu kod nadležnog organa ili notara, u skladu sa tačkom d) posebnih uslova,

10. izjavu da nema privatni finansijski interes na Univerzitetu, ovjerenu kod nadležnog organa ili notara, u skladu sa tačkom e) posebnih uslova.

Izjave iz tačke III - podtačke 3, 4, 5, 9 i 10 moraju biti ovjerene kod nadležnog općinskog organa ili notara, a ostali dokazi iz tačke II moraju biti u originalu ili u fotokopiji ovjerenoj kod nadležnog općinskog organa ili notara.

Dokaz o ispunjavanju uslova iz tačke II-podtačka b) općih uslova (ljekarsko uvjerenje o zdravstvenoj sposobnosti za obavljanje funkcije dekana), ne starije od 6 (šest) mjeseci, dužan je dostaviti naknadno samo kandidat koji bude imenovan na navedenu funkciju, a prije zaključivanja ugovora o radu, odnosno aneksa ugovora o radu.

IV

Kandidat za dekana Fakulteta dužan je, uz prijavu na Konkurs dostaviti i Program rada i razvoja Fakulteta za mandatni period, u pisanoj i elektronskoj verziji (CD).

V

Prijave, sa svim potrebnim dokazima, dostavljaju se u roku od 15 (petnaest) dana od dana objavljivanja Konkursa u dnevnom listu.

VI

Nepotpune i neblagovremene prijave neće se uzeti u razmatranje.

VII

Informacije o djelokrugu rada dekana fakulteta dostupne su na WEB stranici Univerziteta u Tuzli www.untz.ba (Akti - Statut; Pravilnik o unutrašnjoj organizaciji i sistematizaciji)

VIII

Prijave na Konkurs s potrebnim dokazima, dostavljaju se u zatvorenoj kovrti na pisarnicu Univerziteta u Tuzli ili putem pošte, na adresu:

UNIVERZITET U TUZLI

- Konkursna komisija - uz naznaku „Prijava na Konkurs za izbor dekana Ekonomskog fakulteta, ul. Dr. Tihomila Markovića br. 1, 75000 Tuzla.